

## **MANIFIESTU POLA LLINGUA MATERNA**

El 21 de febreru festexamos el Día de la Llingua Materna. Nel 2018, la UNESCO tien como oxetivu xeneral d'esti día promover una educación plurilingüe pa la ciudadanía global.

Los idiomas garanticen la diversidá cultural y el diálogu intercultural, el fortalecimientu de la cooperación y la conservación del patrimoni u cultural, y incrementen el conocimientu d'aspectos socioculturales desenvolviendo un espíritu críticu y favoreciendo l'apertura cultural del individu u a otres realidaes.

Por eso queremos falar nesti día de la llingua asturiana, una llingua que queremos y defendemos por munches razones:

- ✓ Porque en llingua asturiana puedo falar, compartir y aprender.
- ✓ Porque en llingua asturiana puedo estudiar ciencies sociales, naturales, facer educación física o deprender les técniques artístiques.
- ✓ Porque en llingua asturiana puedo saludar, convidar, dar les gracias, echar un gabitu y despidime.
- ✓ Porque la llingua asturiana ye de los neños y les neñes, de la xente de toles edaes, de cualquier raza, sexu, ideoloxía o relixón.
- ✓ Porque tamién falen asturianu nes retresmisiones deportives, nos periódicos, na televisión y nes guíes turístiques.
- ✓ Porque ye mui prestoso sentir falar n'asturianu a deportistes, científicos, famosos y artistes.
- ✓ Porque sentimos l'asturianu en toa mena de música: nes canciones pa neños, na ópera, nel rock, nel rap y el pop, nel folk y na canción tradicional.
- ✓ Y porque saber asturianu ye saber dalgo más qu'una llingua: ye un sentimientu y una oportunidá.